



Na osnovu člana 142. Poslovnika Skupštine Kantona Sarajevo („Službene novine Kantona Sarajevo“-Drugi novi prečišćen tekst, broj: 41/12,15/13 i 47/13), Skupština Kantona Sarajevo, na sjednici održanoj dana 29.04.2014. godine, donijela je slijedeći

ZAKLJUČAK

1. Utvrđuje se Nacrt zakona o izmjenama i dopunama Zakona o pravobranilaštvu.
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 15 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izmjenama i dopunama Zakona o pravobranilaštvu.

Broj:01-02-12089/14
29.04.2014. godine
SARAJEVO

PREDSJEDAVALA
SKUPŠTINE KANTONA SARAJEVO

Prof. dr Mirjana Malić



BOSNA I HERCEGOVINA
FEDERACIJA BOSNA I HERCEGOVINE
KANTON SARAJEVO
VLADA

ZAKON
O IZMJENAMA I DOPUNAMA ZAKONA O PRAVOBRANILAŠTVU
(Nacrt)

Nosilac izrade:

Ministarstvo pravde i uprave Kantona Sarajevo

Sarajevo, mart 2014. godine

Na osnovu člana 18. tačka b) Ustava Kantona Sarajevo („Službene novine Kantona Sarajevo“ br. 1/96, 2/96 - Ispravka, 3/96 – Ispravka, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana _____ 2014. godine, donijela je

(NACRT)

ZAKON O IZMJENAMA I DOPUNAMA ZAKONA O PRAVOBRANIŠTVU

Član 1.

U članu 8. Zakona o pravobranilaštvu („Službene novine Kantona Sarajevo“, broj 33/08- Novi Prečišćeni tekst i broj 7/12), u članu 8. dodaje se novi stav 3. koji glasi:

„Pravobranilaštvo ne zastupa organa i tijela Kantona u radnim sporovima, već to vrši lice zaposleno u organima i tijelima Kantona, koje za to odredi rukovoditelj organa i tijela Kantona.“

Član 2.

U članu 11. mijenja se stav 2. i dodaje stav 3. koji glase:

„Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek obavještava o tome subjekt kojeg zastupa.

Ako se ne postigne saglasnost u mišljenju ili ako subjekt ne odgovori u određenom roku, konačnu odluku donosi Pravobranilaštvu i o tome obavještava subjekt kojeg zastupa.“

Član 3.

U članu 15. dodaje se novi stav 3. koji glasi:

„Organi i pravna lica iz stava 1. ovog člana dužni su pribaviti saglasnost Skupštine Kantona prije zaključenja ugovora imovinsko-pravne prirode, u skladu sa Ustavom Kantona i zakonom.“

U dosadašnjem stavu 3. na kraju teksta tačka se briše i dodaju riječi: „Skupštine Kantona.“

Dosadašnji st. 3. i 4. postaju st. 4. i 5.

Član 4.

Član 22. mijenja se i glasi:

“Član 22.

Za pravobranioca i zamjenika pravobranioca može biti imenovan državljanin Bosne i Hercegovine, koji je diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja, ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima, preduzećima, društvima i drugim pravnim licima u trajanju od najmanje pet godina nakon položenog pravosudnog ispita, koji je radeći na tim poslovima stekao visok ugled pravnog stručnjaka i koji posjeduje najviše moralne osobine za obavljanje službe pravobranioca.”

Član 5.

Član 27. mijenja se i glasi:

„Pravobraniocu i zamjeniku pravobranioca funkcija pravobranioca prestaje razrješenjem i smjenjivanjem.

Pravobranilac i zamjenik pravobranioca se razrješava u slučaju podnošenja ostavke, kada ispuni uslove za odlazak u penziju, propisane zakonom za državne službenike i istekom perioda na koji je imenovan.“

Član 6.

U članu 31. stav 3. mijenja se i glasi:

„Pravobraniocu i zamjeniku pravobranioca prestaje vršenje službe danom razrješenja zbog podnesene ostavke, a najkasnije u roku od 30 dana od dana podnošenja ostavke.“

Član 7.

U članu 35. stav 1. na kraju stava tačka se zamjenjuje zarezom i dodaju se riječi: „nakon položenog pravosudnog ispita.“

Član 8.

U članu 45. stav 1. iza riječi: „imenuje“, dodaje se zarez i riječ: „razrješava“.

Član 9.

U članu 46. stav 1. mijenja se i glasi:

„Za gradskog, odnosno općinskog pravobranioca i zamjenika pravobranioca može biti imenovan državljanin Bosne i Hercegovine, koji je diplomirani pravnik ili Bakalaureat/Bachelor prava sa ostvarenih 240 ECTS studijskih bodova Bolonjskog sistema studiranja, ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima, preduzećima, društvima i drugim pravnim licima u trajanju od najmanje pet godina nakon položenog pravosudnog ispita, koji je radeći na tim poslovima stekao visok ugled pravnog stručnjaka i koji posjeduje najviše moralne osobine za obavljanje službe pravobranioca.“

Član 10.

(Stupanje sa snagu)

Ovaj zakon stupa na snagu osmog dana od dana objavljivanja u “Službenim novinama Kantona Sarajevo”.

Broj, _____
Sarajevo, _____ 2014. godine

PREDSJEDAVAJUĆA
SKUPŠTINE KANTONA SARAJEVO

Prof.dr.Mirjana Malić

O B R A Z L O Ž E N J E

PRAVNI OSNOV

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo kojim je utvrđena nadležnost Skupštine Kantona Sarajevo za donošenje zakona i drugih propisa u okviru izvršavanja nadležnosti Kantona.

RAZLOZI DONOŠENJA

U praksi se pojavila potreba da se posebno naglasi da su pravna lica čiji je osnivač Kanton Sarajevo, koji koriste imovinu Kantona, dužni pribaviti saglasnost Skupštine Kantona Sarajevo prilikom zaključivanja ugovora imovinsko-pravne prirode.

Obzirom da je reformom obrazovnog sistema u Bosni i Hercegovini uveden Bolonjski sistem studiranja kojim se stižu drugačiji akademski nazivi titula nakon završetka visokog obrazovanja, pojavila se potreba da se izjednače novi stečeni akademski nazivi sa postojećim radi omogućavanja zapošljavanja na odgovarajuća radna mjesta.

Izmjenom uslova koje mora ispunjavati pravobranilac i zamjenik pravobranioca i dopunjavanje uslova koje mora ispunjavati stručni savjetnik u Pravobranilaštvu, u smislu radnog iskustva nakon položenog pravosudnog ispita, vrši se iz razloga što su takvi uslovi propisani i za pravnog zastupnika (Rukovodećeg državnog službenika) i stručnog savjetnika-pravnog zastupnika u Kantonalnom zavodu za pružanje besplatne pravne pomoći Sarajevo, a radi se o sličnim ili istim poslovima zastupanja pred sudom i drugim organima.

Nakon provedenih konsultacija i ukazanih primjedbi koji se prizašle iz njih, izvršeno je usaglašavanje ovog zakona sa Zakonom o pravobranilaštvu FBiH (čl. 8. i 11.).

Nadalje, precizirani su načini prestanka funkcije pravobranioca razrješenjem i smjenjivanjem, kao i prestanak funkcije podnošenjem ostavke.

Analogno na način kako su promjenjivi uslovi koje moraju ispunjavati pravobranilac i zamjenik pravobranioca, izmjenjeni su uslovi za Gradskog, odnosno općinskog pravobranioca i zamjenika pravobranioca.

PRAVNA RJEŠENJA

Član 1. – U članu 8. dodaje se stav 3. iz razloga usaglašavanja sa članom 8. Zakona o Pravobranilaštvu u FBiH („Službene novine Federacije BiH“, br.2/95, 12/98, 18/00 i 61/06), a kojim se reguliše da Pravobranilaštvo Kantona ne zastupa Kanton Sarajevo u radnim sporovima, koji opterećuju i onemogućuju kvalitetan rad na poslovima iz nadležnosti pravobranilaštva.

Član 2. – U članu 11. mijenja se stav 2. i dodaje stav 3. iz razloga usaglašavanja sa članom 8. Zakona o Pravobranilaštvu u FBiH, prema kojem, za razliku od dosadanjeg rješenja, Pravobranilaštvo donosi konačnu odluku prilikom pokretanja određenog postupka, povlačenja tužbe ili izjavljivanja određenog pravnog lijeka, a ne subjekt kojeg zastupa, kao organ koji je posebno kvalifikovan i nadležan da ocijeni pravni interes Kantona.

Član 3. – Ovim članom obavezuju se kantonalni organi uprave, upravne organizacije, stručne službe, javna preduzeća, javne ustanove i druga pravna lica čiji je osnivač Kanton Sarajevo, da pribave saglasnost Skupštine Kantona na ugovore imovinsko-pravne prirode u skladu sa članom 8. Zakona o imovini Kantona Sarajevo, kojim je propisano da imovinom Kantona upravlja Skupština Kantona. Naime, bez obzira na već utvrđenu obavezu pravnih lica čiji je osnivač Kanton Sarajevo, da na ugovore imovinsko-pravne prirode pribave mišljenje Pravobranilaštva Kantona Sarajevo, uočeno je da ne pribavljaju saglasnost Skupštine Kantona, odnosno da se u zemljišnim knjigama upisuju kao vlasnici imovine umjesto Kantona Sarajevo, koji je, u skladu sa Ustavom Kantona Sarajevo, Zakonom o imovini Kantona i osnivačkim aktima tih pravnih lica vlasnik imovine. Ovim članom predviđeno je da se ne treba pribaviti saglasnost ni Skupštine Kantona za one ugovore imovinsko-pravne prirode koji ne prelaze iznos od 10,000 KM.

Međutim, kako je Zakon o imovini Kantona Sarajevo vezan za zakon kojim će se regulisati državna imovina, smatramo da nije potrebno ograničiti se samo na taj zakon, te je korištena formuacija “zakon”, koja podrazumijeva sve propise kojima se reguliše imovina Kantona Sarajevo.

Član 4. – Ovim članom se mijenjaju uslovi za izbor pravobranioca i zamjenika pravobranioca, na način da se omogućuje i licima koji su stekli akademska zvanja po Bolonjskom sistemu studiranja da budu imenovani za pravobranioca i zamjenika pravobranioca. Određuje se radno iskustvo u radu na imovinsko-pravnim poslovima u pravobranilaštvu, pravosudnim organima, preduzećima, društvima i drugim pravnim licima od najmanje pet godina, ali nakon položenog pravosudnog ispita.

Član 5. – Član 27. se mijenja radi preciziranja da funkcija pravobranioca prestaje razrješenjem i smjenjivanjem, te se utvrđuju uslovi u kojim slučajevima se razrješavaju pravobranilac i zamjenik pravobranioca, a to su podnošenje ostavke, ispunjavanje uslova za odlazaka za penziju propisane zakonom za državne službenike i istekom perioda na koji je imenovan.

Član 6. – U članu 31. mijenja se stav 3. na način da se određuje trenutak prestanka vršenja službe pravobraniocu i zamjeniku pravobranioca, danom razrješenja zbog podnesene ostavke, a najkasnije u roku od 30 dana od dana podnošenja ostavke.

Član 7. – Dopunjuju se uslovi koje mora ispunjavati stručni savjetnik u Pravobranilaštvu, na način da se određuje da mora imati najmanje tri godine radnog iskustva na pravnim poslovima nakon položenog pravosudnog ispita, s obzirom da ima i poseban položaj, odnosno samostalno zastupa pred sudovima po nalogu pravobranioca.

Član 8. – U članu 45. stav 1. dodaje se riječ: „razrješava“, iz razloga otklanjanja nedoumica koje su se pojavila u terminološkom smislu kada se koriste termini „imenuje i smjenjuje“, jer se u praksi koriste u postupcima kada se odlučuje o radno-pravnom statusu pravobranilaca.

Član 9. – Ovim članom mijenjaju se uslovi za gradskog, odnosno općinskog pravobranioca i zamjenika pravobranioca na isti način kao i za kantonalnog pravobranioca i zamjenika pravobranioca.

Član 10. - Utvrđuje se rok za stupanje na snagu ovog zakona.

FINANSIJSKA SREDSTVA

Za provođenje ovog zakona nije potrebno obezbjediti finansijska sredstva u Budžetu Kantona Sarajevo.

17 -03- 2014

Bosna i Hercegovina
Federacija Bosne i Hercegovine



Bosnia and Herzegovina
Federation of Bosnia and Herzegovina

560

18 -03- 2014

KANTON SARAJEVO
Ured za zakonodavstvo
Vlade Kantona Sarajevo

CANTON SARAJEVO
Office for legislature of Sarajevo Canton
Government

Broj: 09-02-5109/14
Sarajevo, 14.03.2014. godine

KANTON SARAJEVO
MINISTARSTVO PRAVDE I UPRAVE

PREDMET: Stručno mišljenje na nacrt Zakona o izmjenama i dopunama Zakona o pravobranilaštvu.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i čl. 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ured za zakonodavstvo Vlade Kantona Sarajevo, daje slijedeće

MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst nacrta Zakona o izmjenama i dopunama Zakona o pravobranilaštvu po pitanju njegove usklađenosti sa odredbama ustava i drugim pozitivno-pravnim propisima koji uređuju ovu oblast, a koji su navedeni u obrazloženju nacrta Zakona.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst i broj: 30/11-Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Almed Ljubović, dipl.pravnik



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1



Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-03-02-5169/14
Sarajevo, 20.03.2014. god.

MINISTARSTVO PRAVDE I UPRAVE
KANTONA SARAJEVO
O v d j e

PREDMET: Mišljenje
veza: Vaš broj: 03-07-02-1846/14 od 11.03.2014. god.

U skladu sa članom 3. stav (4) Uredbe o postupku i načinu pripreme, izrade i dostavljanja propisa („Službene novine Kantona Sarajevo“, br.21/11- Prečišćeni tekst i 30/11-Ispravka), dajemo slijedeće mišljenje:

Nacrt zakona o izmjenama i dopunama Zakona o pravobranilaštvu nije u suprotnosti sa finansijskim propisima.

Za provođenje Zakona o izmjenama i dopunama Zakona o pravobranilaštvu nije potrebno planirati sredstva u Budžetu Kantona Sarajevo.

Pripremila-Avdić Z. *MA*



MINISTAR

Muhamed Kozadra
Muhamed Kozadra, dipl.ecc.



web: <http://mf.ks.gov.ba>
e-mail: min.finansija@ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



PRILOZI

USTAV KANTONA SARAJEVO

(„Službene novine Kantona Sarajevo“ br. 1/96, 2/96 - Ispravka, 3/96 – Ispravka, 16/97, 14/00, 4/01,28/04 i 6/13)

Član 18.

Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

ODREDBE KOJE SE MIJENJAJU ILI DOPUNJUJU:

Zakon o pravobranilaštvu

(„Službene novine Kantona Sarajevo“, broj 33/08- Novi Prečišćeni tekst i broj 7/12)

Član 8.

Pravobranilaštvo vrši poslove pravne zaštite imovine i imovinskih interesa Kantona i njegovih organa, kantonalnih organa uprave, kantonalnih upravnih organizacija i stručnih službi i drugih institucija čiji je osnivač Kanton.

Izuzetno od odredaba prethodnog stava, Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Kanton, a po zahtjevu osnivača, odnosno suosnivača.

Član 11.

U vršenju poslova zastupanja, Pravobranilaštvo je ovlašteno da preduzima sve radnje koje preduzima stranka u postupku.

Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome subjekt koga zastupa, koji o tome zauzima konačan stav.

Član 15.

Pravobranilaštvo pruža stručnu pomoć organima, fondovima, preduzećima i drugim pravnim licima iz člana 8. ovog Zakona u rješavanju imovinsko-pravnih pitanja i daje mišljenje u vezi sa zaključivanjem ugovora imovinsko-pravne prirode (u daljnjem tekstu: mišljenje).

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspolaze stvarima, odnosno materijalnim pravima.

Kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 10.000 KM na dan utvrđivanja vrijednosti, nije obavezno pribavljanje pravnog mišljenja Pravobranilaštva.

Pravobranilaštvo mišljenje iz st. 1. i 2. ovog člana daje najkasnije u roku od 15 dana od dana prijema zahtjeva i potrebne dokumentacije, a u naročito složenim slučajevima u roku od 30 dana.

Član 22.

Za pravobranioca i njegovog zamjenika može biti imenovan državljanin Bosne i Hercegovine i Federacije Bosne i Hercegovine koji je diplomirani pravnik i ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima ili pravnim

poslovima u drugim državnim organima, preduzećima i drugim pravnim licima, u trajanju od najmanje pet godina, koji je radeći na tim organima i pravnim licima stekao ugled pravnog stručnjaka i koji posjeduje najviše moralne osobine za obavljanje službe pravobranioca.

Član 27.

Pravobraniocu i zamjeniku pravobranioca služba prestaje:

- smjenjivanjem,
- u slučaju podnošenja ostavke i
- kada ispuni uslove za odlazak u penziju, propisane zakonom za državne službenike.

Član 31.

Pravobranilac i zamjenik pravobranioca mogu podnijeti ostavku na vršenje službe.

Pravobranilac i zamjenik pravobranioca podnose ostavku Skupštini Kantona.

Pravobraniocu i zamjeniku pravobranioca prestaje vršenje službe slijedećeg dana od dana u koji je ostavka primljena.

Član 35.

Poslove stručnog savjetnika u Pravobranilaštvu može obavljati lice koje ima završen pravni fakultet, položen pravosudni ispit i najmanje tri godine radnog iskustva na pravnim poslovima.

Član 45.

Gradskog, odnosno općinskog pravobranioca i njegovog zamjenika imenuje i smjenjuje Gradsko, odnosno općinsko vijeće, na prijedlog gradonačelnika, odnosno općinskog načelnika.

Na prijedlog gradonačelnika, odnosno općinskog načelnika, organ iz prethodnog stava odlučuje i o udaljenju od vršenja službe, o izuzeću i o ostavci gradskog, odnosno općinskog pravobranioca i njegovog zamjenika.

Član 46.

Za gradskog, odnosno općinskog pravobranioca i zamjenika pravobranioca može biti imenovan državljanin Bosne i Hercegovine i Federacije Bosne i Hercegovine koji je diplomirani pravnik i ima položen pravosudni ispit i iskustvo u radu na imovinsko-pravnim poslovima u pravobranilaštvu, pravosudnim organima i drugim državnim organima, preduzećima i drugim pravnim licima, u trajanju najmanje tri godine i koji posjeduje najviše moralne osobine za obavljanje službe pravobranilaštva. Gradski, odnosno općinski pravobranilac i njegov zamjenik daju svečanu izjavu pred predsjedavajućim Gradskog, odnosno općinskog vijeća.

Tekst svečane izjave, shodno odredbama člana 24. stav 2. ovog Zakona, utvrđuje Gradsko, odnosno općinsko vijeće.

Unutrašnju organizaciju u pravobranilaštvu Grada, odnosno općine, utvrđuje pravobranilac, pravilnikom o unutrašnjoj organizaciji pravobranilaštva, po prethodno pribavljenoj saglasnosti Gradskog, odnosno općinskog vijeća.

Službenu legitimaciju gradskog, odnosno općinskog pravobranioca i njegovog zamjenika izdaje gradonačelnik, odnosno općinski načelnik, odgovarajućom primjenom pravilnika o službenoj legitimaciji pravobranioca i zamjenika pravobranioca iz člana 5. stav 2. ovog Zakona.

Zakon o imovini Kantona Sarajevo („Službene novine Kantona Sarajevo“, broj 6/79)

Ponedjeljak, 7. aprila 1997. godine

SLUŽBENE NOVINE
KANTONA SARAJEVO

Broj 6 - Strana 121

ZAKON O IMOVINI KANTONA SARAJEVO

Član 1.

Ovim zakonom utvrđuje se imovina Kantona Sarajevo (u daljem tekstu: Kanton), preuzimanje, način sticanja, upravljanja i raspolaganja imovinom i druga pitanja koja su u vezi sa imovinom Kantona.

Član 2.

Kanton je pravni sljedbenik Grada Sarajeva (u daljem tekstu: Grad) u imovini i imovinskim pravima, u skladu sa Zakonom o područjima općina SRBiH ("Službeni list SRBiH", br. 47/62, 6/65, 14/66, 23/67, 3/70, 35/77, 31/78, 22/80, 33/90, 8/91 i 32/91).

Član 3.

Kanton preuzima sva prava i obaveze Grada koje proističu iz imovinsko-pravnih odnosa.

Član 4.

Kanton u potpunosti preuzima imovinu Grada na području Kantona, kao i na drugim područjima gdje je Grad posjedovao imovinu.

Član 5.

Imovinu Kantona, pored imovine stečene preuzimanjem u smislu odredaba čl. 2, 3. i 4. ovog zakona, čini pokretna i nepokretna imovina, prava i novčana sredstva stečena kupovinom ili na drugi način u skladu sa zakonima Bosne i Hercegovine i Federacije Bosne i Hercegovine.

Član 6.

Kanton je vlasnik imovine na području Kantona i to:

1. prirodnih bogatstava i dobara u općoj upotrebi;
2. nekretnina na kojima pravo korištenja i upravljanja imaju mjesne zajednice, udruženja građana i političke organizacije, izuzev sredstava koja su te zajednice i organizacije pribavile iz drugih izvora osim budućih sredstava za finansiranje zajedničkih potreba, donacija društvenih pravnih lica i samodoprinosu građana;
3. nekretnina na području Kantona koje su izgrađene ili po drugom osnovu stečene iz sredstava budućih sredstava za finansiranje zajedničkih potreba, te sredstava samodoprinosu građana i donacija, kao i imovine koja je stečena i po drugim osnovama, bez obzira da li se kod društvenog pravnog lica kao korisnika vode u poslovnim knjigama odnosno da li su upisane u zemljišne knjige;
4. društvenog kapitala iskazanog u bilansima stanja pravnih lica na dan 31. decembra 1991. godine, odnosno stanja utvrđenih nakon revizije.

Član 7.

Kanton vrši ovlaštenja i obaveze vlasnika po osnovu državnog kapitala prema preduzećima i ustanovama koja u cjelini ili djelimično imaju državni kapital, u skladu sa zakonom, osim preduzeća i ustanova nad kojima ovlaštenje i obaveze vlasnika vrše nadležni organi Federacije.

Član 8.

Imovinom Kantona upravlja Skupština Kantona Sarajevo (u daljem tekstu: Skupština).

Predsjednik Kantona i Vlada Kantona mogu raspolagati imovinom u okviru ovlaštenja koja im Skupština prenese posebnim propisom.

Član 9.

Skupština može posebnim propisom prenijeti prava vlasništva na druga pravna lica, u skladu sa zakonom.

Član 10.

Vlada Kantona posebnim propisom uredit će način evidentiranja imovine iz čl. 2, 3, 4, 5, 6. i 7. ovog zakona i odrediti organe za njegovo provođenje.

Propis iz prethodnog stava Vlada Kantona će donijeti u roku od 15 dana od dana donošenja ovog zakona.

Član 11.

Odredbe člana 6. ovog zakona primjenjivat će se do donošenja zakona Federacije Bosne i Hercegovine i države Bosne i Hercegovine.

Član 12.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-12/97
3. aprila 1997. godine
Sarajevo

Predsjedavajući
Skupštine Kantona Sarajevo,
Mirsad Kebo, s. r.

Na osnovu člana 18.b) Ustava Kantona Sarajevo ("Službene novine Kantona Sarajevo", br. 1/96, 2/96 i 3/96) i člana 20. Zakona o Agenciji za privatizaciju ("Službene novine Federacije BiH", broj 18/96), Skupština Kantona Sarajevo, na sjednici od 3. aprila 1997. godine, donijela je

ZAKON

O KANTONALNOJ AGENCIJI ZA PRIVATIZACIJU

I - OPĆE ODREDBE

Član 1.

Ovim zakonom osniva se Kantonalna agencija za privatizaciju (u daljem tekstu: Agencija) kao upravna organizacija Vlade Kantona, utvrđuje njen pravni položaj, sjedište, djelokrug i nadležnost, upravljanje, rukovođenje i finansiranje.

II - PRAVNI POLOŽAJ I SJEDIŠTE AGENCIJE

Član 2.

Agencija ima svojstvo pravnog lica. Agencija je specijalizovana upravna organizacija Vlade Kantona Sarajevo (u daljem tekstu: Vlada Kantona).

Član 3.

Sjedište Agencije je u Sarajevu.

III - DJELATNOST I NADLEŽNOST AGENCIJE

Član 4.

Djelatnost Agencije je obavljanje stručnih i drugih poslova koji se odnose na privatizaciju.

Član 5.

U okviru svoje djelatnosti Agencija vrši naročito:
- organizovanje i podsticanje privatizacije preduzeća na teritoriji Kantona;
- odobrava početne bilanse preduzeća u skladu sa metodologijom za pripremu preduzeća za privatizaciju;

IZVJEŠTAJ
O PROVEDENIM KONSULTACIJAMA NA PREDNACRT
ZAKONA O IZMJENAMA I DOPUNAMA ZAKONA O PRAVOBRANILAŠTVU

Ministarstvo pravde i uprave Kantona Sarajevo je, dana 27.01.2014. godine, na svojoj web stranici objavila prednacrt Zakona o izmjenama i dopunama Zakona o pravobranilaštvu. Ovo ministarstvo je uputilo poziv na konsultacije svim kantonalnim organima uprave i upravnim organizacijama, kantonalnim javnim preduzećima, jedinicama lokalne samouprave, naučnim i stručnim ustanovama i ostalim zainteresovanima da uzmu učešće u konsultacijama i da svoje prijedloge, primjedbe i sugestije, a posebno nedostatke u zakonu koje ste uočili tokom njegove primjene, dostave u roku od 15 dana Ministarstvu pravde i uprave Kantona Sarajevo.

Nakon proteka ostavljenog roka Ministarstvo pravde i uprave pripremiло je nacrt Zakona za narednu sjednicu Vlade Kantona Sarajevo.

Primjedbe, prijedloge i sugestije dostavili su pismeno:

1. Ministarstvo za boračka pitanja – dostavilo mail sa primjedbama dana 30.01.2014. godine;
2. Ministarstvo finansija, svojim aktom broj 08-03-SL od 21.01.2014. godine, istaklo da nema primjedbi na ovaj prednacrt Zakona;
3. Ministarstvo zdravstva, svojim aktom broj 10-02-1846/14 od 31.01.2014, godine, izjasnilo se da nema primjedbi niti sugestija na dostavljeni prednacrt Zakona;
4. Pravobranilaštvo Grada Sarajeva je dostavilo primjedbe, prijedloge, sugestije i mišljenje na prednacrt Zakona svojim aktom broj 01-08-Gp-7/14 od 07.02.2014. godine;
5. Općinsko pravobranilaštvo Općine Hadžići je svojim aktom broj Op-10-08-3/14 od 06.02.2014. godine, dostavilo sugestije na prednacrt Zakona;
6. Savez općina i gradova Federacije BiH je, svojim aktom broj 67/14 od 13.02.2014. godine, dostavilo mišljenje na prednacrt Zakona;
7. Pravobranilaštvo Kantona Sarajevo je, svojim aktom broj Pk-16/2014, dostavilo svoje očitovanje.

Pismene primjedbe, prijedlozi su dati u prilogu Izvještaja, a sadrže obrazloženje koje se ne ponavlja u Izvještaju.

Izvještaj sadrži sistematizovane primjedbe koje se odnose na pojedine članove Zakona, a date su od različitih učesnika u konsultacijama.

PRIMJEDBE, PRIJEDLOZI I SUGESTIJE

Pojedinačne primjedbe

Član 8.

1. **Pravobranilaštvo Kantona Sarajevo:** Predlažu da se u članu 8. dodaje stav 3. koji glasi: „*Pravobranilaštvo Kantona Sarajevo ne zastupa organa i tijela Kantona u radnim sporovima, već to vrši lice zaposleno u organima i tijelima Kantona Sarajevo, koje za to odredi rukovoditelj organa i tijela Kantona Sarajevo*“.

Ovo iz razloga usklađivanja odredbi ovog zakona sa članom 8. Zakona o Pravobranilaštvu u FBiH („Službene novine Federacije BiH“, br.2/95, 12/98, 18/00 i 61/06), te preobimnog angažmana Pravobranilaštva KS u radnim sporovima, čime se

znatno umanjuje mogućnost posvećenosti u predmetima koji spadaju u nadležnost Pravobranilaštva KS prema oredbama člana 8. Zakona, a koji su uglavnom složene prirode i iziskuju stručnu i detaljnu analizu, proučavanje materijalno-pravne i činjenične situacije, posvećenost i vrijeme. Također, neophodnost izmjena ogleda se i u činjenici da i drugi zakoni, kao i novi Zakona o stvarnim pravima, čija primjena počinje u martu 2014. godine, predviđaju široku lepezu nadležnosti pravobranilaštva u zaštiti imovine i imovinskih interesa Kantona.

Stav predlagača: Primjedba se prihvata.

Član 11.

1. **Pravobranilaštvo Kantona Sarajeva:** Predlažu da se u članu 11. stav 2. mijenja i dodaje stav 3. koji glase:

„Ako Pravobranilaštvo smatra da ne treba pokrenuti određeni postupak ili da treba povući tužbu ili da ne treba izjaviti određeni pravni lijek obavještava o tome subjekt kojeg zastupa.

Ako se ne postigne saglasnost u mišljenju ili ako subjekt ne odgovori u određenom roku, konačnu odluku donosi Pravobranilaštvu i o tome obavještava subjekt kojeg zastupa.“

Ovo iz razloga usklađivanja odredbi ovog zakona sa članom 11. Zakona o Pravobranilaštvu u FBiH, te iz razloga što su nocioci pravobranilačke funkcije samostalni u svom radu i najbolje mogu ocjeniti u svakom pojedinačnom slučaju šta je potrebno preduzeti u cilju zaštite interesa Kantona i njegovih organa koje zastupa.

Stav predlagača: Primjedba se prihvata.

Član 15.

1. **Ministarstvo za boračka pitanja:** Predlažu da član 15. stav 5. Zakona glasi:

„Organi i pravna lica iz stava 1. ovog člana dužni su pribaviti saglasnost Skupštine Kantona prije zaključenja ugovora imovinsko-pravne prirode, u skladu sa Ustavom Kantona i Zakonom o imovini Kantona Sarajevo.“

Stav predlagača: Primjedba se prihvata, na način da se u članu 15. dodaje novi stav 3., a dosadašnji st 3. i 4., postaju st. 4. i 5.

Član 17.

1. **Ministarstvo za boračka pitanja:** Predlažu dopunu člana 17. na način da se iza riječi: “Pravobranilaštva“, dodaju riječi: „kao i Skupštini Kantona Sarajevo“.

Stav predlagača: Primjedba se ne prihvata, obzirom da je Uredbom o evidenciji imovine Kantona Sarajevo („Službene novine Kantona Sarajevo“, br. 23/97, 5/02 i 2/13) uspostavljena i vodi se jedinstvena evidencija imovine Kantona po subjektima u Upravi za geodetske i imovinsko-pravne poslove u sastavu Ministarstva prostornog uređenja i zaštite okoliša.

Član 24.

1. **Pravobranilaštvo Grada Sarajeva:** Predlažu izmjenu ili dopunu člana 24. stav 2.

Zakona ili djelokupnog člana Zakona kojim bi se Zakona kojim bi se precizirao pojam “raspoređivanja na odgovarajuće poslove u pravobranilaštvu“ u slučaju da pravobranilac ne bude ponovno imenovan na istu funkciju.

Ovo iz razloga što u postojećem članu 24. Zakona u praksi postoje nedoumice za njegovu primjenu, jer je najčešća situacija da je u pravobranilaštvima jedino „zamjensko“, odnosno odgovarajuće radno mjesto za neizabranog pravobranioca po isteku mandata Zamjenik pravobranioca, koji se po odredbama Zakona bira i imenuje po istom postupku kao i pravobranilac.

Ako bi se u formalno-pravnom smislu doslovno poštovale procedure izbora po Zakonu, to u praksi znači da se za takvog neizabranog pravobranioca treba provesti konkursna procedura, čime se rizikuje da on u takvoj situaciji ne bude izabran na tu poziciju, čime i „de facto i de iure“ ostaje bez posla i radnog mjesta, a što je suprotno namjeri Zakonodavca.

Prijedlog je da se tačno precizira odredba kojom se u takvim slučajevima pristupa neposrednom raspoređivanju na mjesto Zamjenika pravobranioca, ako je to mjesto upražnjeno po Pravilniku o sistematizaciji, ili da se također neposredno rasporedi na drugo odgovarajuće mjesto u okviru tog nivoa vlasti, prema njegovim stručnim kvalifikacijama.

Sljedeći prijedlog je da se predvide i procedure neposrednog raspoređivanja pošto je radno-pravna pozicija Zamjenika pravobranioca, kao općinskog ili gradskog funkcionera, različita u odnosu na poziciju državnog službenika, pogotovo sa stanovišta nadležnosti organa koji o tome odlučuju.

Stav predlagača: Primjedba se ne prihvata, iz razloga harmonizacije propisa sa propisima višeg nivoa vlasti. Naime, član 31. Zakona o pravobranilaštvu FBiH je na isti način regulisalo pitanje na koje se odnosi ova primjedba.

Član 45.

1. Pravobranilaštvo Grada Sarajeva: Predlažu da se u članu 45. stav 1. iza riječi: „imenuje“, dodaje zarez i riječi: „razrješava“, a ostali tekst ostaje nepromjenjen. Ovo iz razloga što su se pojavile nedoumice u terminološkom smislu kada se koriste termini „imenuje i smjenjuje“, jer se u praksi koriste u postupcima kada se odlučuje o radno-pravnom statusu pravobranilaca, a termin „razrješenje“ ovaj zakon ne poznaje.

Stav predlagača: Primjedba se prihvata.

Član 46.

1. Pravobranilaštvo Grada Sarajeva: Predlažu da se izmjeni i član 46. stav 1. Zakona o pravobranilaštvu analogno kako je to navedeno u sadržaju predloženog izmjenjenog člana 223. Zakona, ali prilagođeno općinskom odnosno gradskom nivou vlasti.

Iste primjedbe su dostavili Savez općina i gradova u FBiH, te Općinsko pravobranilaštvo Općine Hadžići.

Stav predlagača: Primjedba se prihvata, te se dodaje i član 6. kojim se mijenja član 46. stav 1. Zakona.

2. Savez općina i gradova u FBiH: Ističu da je nejasno da li se odredbe člana 1. ovog prednacrtu zakona, odnose i na ugovore koji se zaključuju u vezi sa imovinom jedinica lokalne samouprave.

Stav predlagača: Obzirom da je u članom 56. Zakona o pravobranilaštvu propisano da na stav pitanja koja nisu posebno regulisana ovim Zakonom za Gradsko, odnosno općinsko pravobranilaštvo, odgovarajuće se primjenjuju odredbe ovog Zakona koje se odnose na Pravobranilaštvo Kantona Sarajevo.

Imajući u vidu ove odredbe, ne vidimo da postoje nejasnoće u vezi stava 5. koji se dodaje, odnosno ovaj stav 5. se analogno primjenjuje na jedinice lokalne samouprave.